

Early Hindi Retreat, St. Petersburg 2019

Text proposed by Monika Horstmann

Prithīnāth: *Śrī Manasthambha-śarīrāsādhāra-grantha-jogaśāstra*

(The *yoga-śāstra* consisting of the book ‘Basis of hope for the body propped on the mind’)

Edition based on MS. Sharma 3190, fols. 639v–642v, where it figures as *granth* no. 27. No emendation of missing or superfluous *anusvāra* has been made.

Abbreviation: GopS = Gopāldās, *Sarbaṅgī*

[639v] दरिया भीतरि घर करै, उश्न माँहै मेरा षेल।
इसी जुगति दीपक रचै, जहां कछु बाती न तेल ॥ १ ॥
तेल बिनां दीपक भया, अग्नि विहूणी झाल।
प्रिथीनाथ कहै सोई मिल्या, जिनि ब्रह्मंड रच्या पाताल ॥ २ ॥
आकास बाडी नीपजै, बिन बेली सरि फूल।
सीगी नाद धुनि उपजी, मिट्या भ्रम का सूल ॥ ३ ॥
जब चंचल मनसा थिर भई, प्रिथीनाथ चंचल थीरं।
अंधियारै दीपक भया, सो पद भया सरीरं ॥ ४ ॥
जिस नव लष तारे थिर भये, गगन रचीले बागु।
बिण बेली फल उतरै, तब देषि हमारे भागु ॥ ५ ॥
माली सींचै मूल, अग्नि मै बेली ठई।
प्रिथीनाथ मेरा हरि स्युं हेत, जहां सदा श्रुति बाढै नई ॥ ६ ॥
पांगी महकी अग्नि झल, झल दाझै काष्ट रहै।
प्रिथीनाथ मेरा तहां श्रानं, जहां गंगा फिरि पछिम बहै ॥ ७ ॥
गंगा चढी अकास, संमंद समांगा बू[द] मै।
मेरा क्वंचित तहां निवास, जहां कोटि किरंणि सूरिज तपै ॥ ८ ॥
पंजरि बिलंबै श्वास, मूल जीति त्रिमल हूवा।
सहजि भया परकास, नहीं सोवत श्रुपिनां जीवत मूवा ॥ ९ ॥
श्रुपिनां गया बिलाइ, जहां पंषी पवनन न संचरै।

प्रिथीनाथ तिस बनि गया, जहां कांन्ह सहित गोवल चरै ॥ १० ॥
जुरा मरण व्यापै सदा, सो कांन्ह नहीं शुनि पंडित।
कांन्ह कृश्र अलष पुरिष [MS damaged], [640r] औतार नहीं षंडित ॥ ११ ॥
धूवां सेती मन रंगे, जप तप सब बिसाइ।
मेरै बालसंनेही रांम है, जब आइ मिलै गढ राइ ॥ १२ ॥
पांचौ ईद्री रंग लाइ, नेत्र पुले अनंत।
सवै धरंम संमिता भये, जब मन राषै जंत ॥ १३ ॥
हस्ती कहा मैमंत, सीस जिनि अंकुस लीया।
अलपजीव आदमी, तिनि बंधि अपनै बसि कीया ॥ १४ ॥ (GopS 79.29)
ता तैं उदमंत मन मैमंत, कठिन काहू बसि हूवा।
किनिहीं जीति न सक्या, जगत सब कलपत मूवा ॥ १५ ॥ (GopS 79.30)
के कासी करवत लेइहि, धूम पंचा अग्नि साधहिं।
तौ भी मन बसि नांहि, जौर¹ नौग्रह आराधहि ॥ १६ ॥ (GopS 79.13)
भावै झपा पातु लेई, सीस केदारि चढावैं।
तौ भी यहु मन कंठिन, गुरू बिन ठावं न आवै ॥ १७ ॥ (GopS 79.14)
प्रिथीनाथ अनंत मुनि, कोटि केइ पचिहारे।
इनि मन्य सब जगु गिल्या, कहा पंडित बेचारे ॥ १८ ॥ (GopS 79.15)
जिनि यहु चंचल बसि कीया, ता तहि² बडा न कोइ।
ते स्यंभरूप पूरणकला, जिनि मन जीत्या होइ ॥ १९ ॥ (GopS 79.32)
चंदनहूं संगि कास्ट, तिनिहूं प्रमल अधिकारि।
जाति भेद कुल मिठ्या, भीन कछु कथ्या न जाइ ॥ २० ॥
तिस ठांइ इहै उपजै, भगति का भेदहि बूझै।
अंधकार सब मिटै, आप आपणपा सूझै ॥ २१ ॥
प्रिथीनाथ साध पुरिस की बडी सगाई।
दरसंग तैंहि पद हूवा, अलपजीव न गति पाई ॥ २२ ॥
भाग बिनां क्यूं पाईये, साध पुरिस का संग।
मलिण प्यंड त्रिमल भया, फेरि पलट्या रंग ॥ २३ ॥

¹ जौर] जै रु

² ता तिहि] तातहि; GopS ता तैं हि

कहा जौ दरपन मंजिये, अधिक कीजे उजलाई।
उपरि सुष सब देषिये, माहें का मैल न जाई ॥ २४ ॥
इह गति सब संसार, सबै बाहर कौं जोवंहि।
भीतरि मल ऐ जटि रहे, ज/त/न करि जाहि न षोवंहि ॥ २५ ॥
चंचल का ब[...] फेरि निहःश्चल^३ पै घटि आवै।
प्रिथीनाथ कहि सं[x]यहुं, सहजै गु[640v]रू बतावै ॥ २६ ॥
चंचल का का बल रहै, फेरि^४ निःश्चल होइ बैसै।
अंधकार विप्रीति^५, तहां दीपक ले पैसै ॥ २७ ॥
यहु भगति भेद ब्यंदहि नहीं, घोषै सौषै जीव।
ते बपुरे यूंही गये, जैसैं दूध बिणठै घीव ॥ २८ ॥
निस दिन कथणी कथैं, अरथ सबदही^६ लावंहि।
सींचैं पोषैं सदा, ता का मरंम न पावंहि ॥ २९ ॥
प्रिथीनाथ सरीर सही गति, या गति कोई न जाणैं।
षट दरसन सब पूछिया, सबै मिथ्या करि मानैं ॥ ३० ॥
जौ परि मंनिषा देह गंदी^७, तौं भींटि क्या सोचौ लीजै।
गंदे^८ तन कूं न्यौंति, कहा पादारघ दीजै ॥ ३१ ॥
झूठे कूं धन सौंपि कहौ धूं^९ कौणें लीया।
पूंजीहूं की हानि^{१०}, बीज जब कालरि दीया ॥ ३२ ॥
प्रिथीनाथ अंधा घट तेहु, जिनि पै अणसमझे का बोल।
इह पशु हाथि मंणिक पब्बा, तौ क्या जाणै मोल ॥ ३३ ॥ (GopS 110.3)

³ The copying error caused by slipping in v. 27ab was effaced by the scribe, but the correction not supplemented with the correct text.

⁴ फेरि] hypermetrical

⁵ Line hypometrical

⁶ साबदही] सबदेही

⁷ देह गंदी] गंदी देह

⁸ गंदे] गदे

⁹ कहौ धूं] No *daṇḍa* after *kahau*, *dhūṃ* representing a correction; starting from *dhūṃ*, v. 32b is hypometrical by two morae, perhaps to be corrected as *dhūṃ kā*....

¹⁰ Hypometrical by two morae.

देही बिनां न धरंम, देह बिनां न को बड दाता।

देही बिणां न धनु, देह बिण बंध न भ्रांता ॥ ३४ ॥ (GopS 110.4)

देही बिणा न स्यंगार, हार कवनै गलि मेल्लै।

देही बिणां न बंशु, कवन घरि आंगणि षेलै ॥ ३५ ॥ (GopS 110.5)

देही बिणां न तपु, कवन कहिये सिंन्यांसी।

देही बिणां न राज, कवन पुर पटंण बासी ॥ ३६ ॥ (GopS 110.6)

देही बिनां न ब्यास, कवन भाग्यौतहि बांचै।

देही बिनां न विश्व, कवन भगत होइ नाचै ॥ ३७ ॥

देह भयां आंनंदु, देह बिनास्यां सब रोवंहि।

ता देही कूं अंध मिथ्या करि जोवहिं ॥ ३८ ॥

या देही बिणां जप तप नहीं, देही बिनां न ध्यांनं।

देह गया शुणि पंडिता, कहौहु कहां भगवांन ॥ ३९ ॥

या देही कै काजि सिलह सिरि टोप बणांवहिं।

ऐंसें रिच्छ्या करै, संगि सिरि घाव न आवंहि ॥ ४० ॥

रछि[पा]ल [641r] अतिघणां, जुथ हस्तिन के ठाढे।

आसि पासि पाहरू राषे, जतन कीजै अतिगाढे ॥ ४१ ॥

पहिरा देत न टलंहि, मेह बरसतहीं भीजंहि।

ऐते जतन उपाइ, सबै जीवंन के कीजंहि ॥ ४२ ॥

बंके कोट चिणाइ, बिषमं बंधहि दरवाजा।

धन करि संचै भंडार, सबै जीवन के काजा ॥ ४३ ॥

ऐते जतन करंत, कोटि केते पचि बीते।

काया मांहि बड चोर, जतन करि काहू न जीते ॥ ४४ ॥

काया जीतन काज, गुरू कूं श्रवरस दीजे।

धन संपति परतजि, जुगति जीवन पद लीजै ॥ ४५ ॥

जीवन पद कै काजि, बहुत राजनु घर छाडे।

सतगुर दीया सहाइ, भ्रमंतहिं डूबत काजे ॥ ४६ ॥

प्रिथीनाथ सरिर सहेत, ना देवत हुवा।

इहै बुधि उपजी बिनां, जगत सब सकलपत मूवा ॥ ४७ ॥

या नर देही नागा नहीं, समझे कूं कविलास।

तब लग ड़ाव न चूकिये, जब लग पंजरि स्वास ॥ ४८ ॥ (GopS 110.9)

जै परि कूड कपट हरि भजन, कपटमुषि संत कहावैहिं।

तौ भी मुलमां जाणि, अधिक जौ बांनी लांवांहि ॥ ४९ ॥

कपट करै ब्यौहार, सेवा राजन घरि मांडहिं।

अति तौउ विग्रह, कपट धन राइ न छांडहि ॥ ५० ॥

कपट नांव कहि बूडिये, सत्य सुमृति गोब्यंद मिलै।

प्रिथीनाथ विचार बिन, या कपट भगति की जौ चलै ॥ ५१ ॥

जैसैं उजल हेम, कस्यां कालिमां न लागै।

ऐसैं त्रिमल साध, कस्यां तहि दूरि न भागै ॥ ५२ ॥

नांम कबीरहि देष, भगति प्रहिलादहि चीन्हीं।

आइ /पडी/ विप्रीति, तबहीं प्रतंग्या दीन्हीं ॥ ५३ ॥

भगति मुक्ति भरपूर, जिनि यहु संधि पिछांणी।

नहीं तौ मंनरंज जुगति बिन सबै कहांणी ॥ ५४ ॥

प्रिथीनाथ कठिन भगति यहु, कोई बिरला साधू जांगै।

अ[641v]णसमझे बैकुंठ पद, सबै बातनही बषांणै ॥ ५५ ॥

रांम नांम मुषि बोल न आवै, मूठी गह्या नहीं जाइ।

यहु तेज पुंज सारंगधर, बिरलै ह्दिदैय समाइ ॥ ५६ ॥

हीरा बपुरा कहा, जबै बैरागर आया।

जप तप तीरथ कहा, जबै घटि गोब्यंद आया ॥ ५६ (!!) ॥

तसकर कौ कहा चलै, जबै ईद्री बसि कीन्हां।

बिधि निषेद उठि गया, जबै फिरि आत्म चीन्हां ॥ ५७ ॥

लोहा का मंत मिट्या, जब हीर स पारस लागा।

दीपक झूठा पढ्या, जबै अधियारा भागा ॥ ५८ ॥

वार पार मिटि गया, जबहीं दरिया बसि कीया।

तन तजि भगा काल, पूरिष जब मरि करि जीया ॥ ५८ ॥

प्रिथीनाथ निसंक ते, जिनि कै हरिपद भिद्या सरीर।

ते पुरिषा जुगि जुगि रहे, जब लग चंद देवाकर थीरं ॥ ५९ ॥

वै मलिनरूप कबही नहीं, दिन दिन उजल हूंत।

अंध्रितरस भगवंत, शुष मैं सदा बिहंत ॥ ६१ ॥ (GopS 16.28)

उदिम करत न देषियै, निस दिन सोवत जाइ।
इहै अचंभा जगु मै, ये भिष्या किस घरि षाइ ॥ ६२ ॥ (GopS 16.29)
जै मांगै तौ कल्पनां, देत न दीसै कोइ।
जिन कै धन, ते द्रुबला, वो दिन दिन मोटा होइ ॥ ६३ ॥ (GopS 16.30)
प्रिथीनाथ प्रष मुनि, क्षिन क्षिन नांना रंग।
ऐ लछिन अवधूत के, तन मन होइ न भंग ॥ ६४ ॥
इम देह मंध्ये प्रांग, सीप मांहि मोती का बास।
तबहीं बस्तर¹¹ पाइयै, जबहिं सेइ येक पासं ॥ ६५ ॥
करता कूड न होत, बस्त जिनि इस बुधि चीन्हीं।
जे जे जहां नीपजै, मथन करि प्रगट कीन्हीं ॥ ६६ ॥
तन मन कीये काथ, कहौहु इस मांहि क्या झूठा।
जिसि कूं कछु षबरि न पडी, घर जागतहीं मूठ ॥ ६७ ॥
प्रिथीनाथ बमेक विन, पंडित क्या कहिये।
झूठे के संगि लागि, कहा घोषै मैं बहिये ॥ ६८ ॥
जीवंत को [642r] समझै नहीं, मुवां न कहैं संदेस।
जा कै तन मन स्यूं प्रचौ नहीं, कहु पंडित ता कौ कौण धरंम उपदेस ॥ ६९ ॥ (GopS 47.54)
सबै अविद्या जांणि, जे भ्रंम की गांठि न छूटै।
तबहीं भगति¹² हरि भंजंन, जबहीं यहु शुत्र न टूटै ॥ ७० ॥ (GopS 47.55)
तब देही यहु नीपजै, जुगति षेती करि जाणै।
जे यहु झूठ करि गिणैही, कवन धनु धरंमहि आणै ॥ ७१ ॥
प्रिथीनाथ बमेक विण, कोई जीव तिरत न देषा।
ए पोथा पढि पढि सब मुवां, कहीं संमि भया न लेषा ॥ ७२ ॥
श्रुगं मृति पाताल, तहां का अर्थ बषाणैहिं।
या काया मांहि बड चोर, तास का मरंम न जाणहिं ॥ ७३ ॥
देही का गुण क्या कहूं, जा महि स्यंभू कला की जोति।
तहां कलह कलेस न संचरै, जिस घटि या बुधि होति ॥ ७४ ॥

¹¹ The translation takes *-ra* in *bastara* as an enclitic variant of *aru*, 'and, furthermore', here left untranslated.

¹² भगति] MS. Sharma भगत जब

तब दीपक थिर बलै, जब फिरि करि पवन चलावै।
पांणी भीतरि पैसि, सीचि करि अग्नि जमावै ॥ ७५ ॥
विण मुष अभषा भषै, सब्द शुणिवा विण कांन।
विण पांविनि प्यंगुला, थाइ बिलंब्या असमान ॥ ७६ ॥
प्रिथीनाथ अंगंम सब्द, कोई बिरलै घटि आवै।
तब गोब्यंद आइ मिलै, जबहीं या अरथहि पावै ॥ ७७ ॥
महापुरिष इहै लषहि, अवर कथणी कछु नांहि।
ते पुरिषरूप अवतार, आइ प्रगटे जगु मांहि ॥ ७८ ॥
धनि शु षेत्र, धनि ते नर, जहां पुरिष बिलंबे आइ।
जिस धोषै लाग्या जगु जलै, ता तैहि षिण मैं तपति बुझाइ ॥ ७९ ॥
धरती मांहि सब नीर, धात सब प्रबत मांही।
काया मांहि कविलास, लषै तौ दूरि न जांहीं ॥ ८० ॥
तिसं तैं इहै उपजै, पुरिष जब मरि करि जीवै।
अग्नि करै अश्रान, गंगंन चढि अंम्रित पीवै ॥ ८१ ॥
प्रिथीनाथ पुरिष भये, जहां पद प्रचा प्रतीति।
भयौ उदौतु आनूप, जबहीं मन ईद्री गुंन जिति ॥ ८२ ॥
तहां कोटि किरंणि रवि उगवै, फीटि गया अंधियार।
यहु भई शुहागं[642v]नि बापुरी, जब आइ मिलै भ्रतारं ॥ ८३ ॥
सांति¹³ समाधि न होइ, पंथ इत उत के गाहौ।
मन कौ जीति न सकै, मुक्ति बातनि हीं चाहौ ॥ ८४ ॥ (GopS 79.12)
नां देष्या नां शुण्यां, कहै अणषाये मीठौ।
तिन कौं यहु तन झूठ, जिन यहु पंथ न दीठौ ॥ ८५ ॥
जैसैं बील षोदत धन फब्या, पशुवा यहु निधि न जाणै।
ता तहि अधिक पशु, देह कूं झूठ बषाणै ॥ ८६ ॥
जबहीं जन्म तब गाइयै, मरै तौ पूरा रोज।
तिस देह धर्या बैकुंठ पद, ता का कांइ बिसारहु षोज ॥ ८७ ॥ (GopS 110.7)
जिन की बिद्या पढत हौ, जै तिन कूं चीन्हत नांहि।
वै सत्य मांहि, कबहूं नहीं, प्रतषि जंगल मांहि ॥ ८८ ॥ (GopS 47.53; GopS 63.39)

¹³ सांति] MS. Sharma स्वांति

परंम दे/व/ निरंजनं, महादेव स्यंभू रूपेण, मंछिंद्र गुरू गोरषनाथ।

वो का[X¹⁴]र जोग धारणं, श्री प्रिथीनाथ ॥ ८९ ॥

वक्ता च भवे ज्ञानी, श्रुता मोक्षि लभ्यते।

वक्ता श्रुता न जानामि, वृथा तस्य जीवनं ॥

इति श्री प्रिथीनाथ शुत्रधारे मंत महापुराणे ॥ सिधिनाम श्रीममस्थंभसरीरासाधारग्रंथ ॥ जोगसास्त्रं समाप्तं ॥ ॥ २७ ॥

¹⁴ Half-visible sign in the margin.